



XALQ DEPUTATLARI KITOB TUMAN KENGASHI Q A R O R I

2023 - yil 29 - dekabr

VI-86-122-4-62-K/23

Kitob tuman hokimligi

Kitob tumanining 2024-yilgi mahalliy budjetini tasdiqlash to'g'risida

O'zbekiston Respublikasi Budget kodeksining 99-moddasi, O'zbekiston Respublikasining 2023-yil 25-dekabrda "2024-yil uchun O'zbekiston Respublikasining Davlat budjeti to'g'risida"gi O'RQ-886-sonli Qonuniga muvofiq hamda O'zbekiston Respublikasi Iqtisodiyot va Moliya vazirligining 2023-yil 25-dekabrda 01/30-2-10346-sonli xatini inobatga olib, O'zbekiston Respublikasining "Mahalliy davlat hokimiyati to'g'risida"gi Qonunining 6, 24-moddalariga asosan xalq deputatlari tuman Kengashi

Q A R O R Q I L A D I:

1. O'zbekiston Respublikasining "2024-yil uchun O'zbekiston Respublikasining Davlat budjeti to'g'risida"gi Qonuni ma'lumot va ijro uchun qabul qilinsin.

2. O'zbekiston Respublikasining "2024-yil uchun O'zbekiston Respublikasining Davlat budjeti to'g'risida" Qonuniga muvofiq, Kitob tumani mahalliy budjetining 2024-yil uchun daromadlari 199 537 000.0 ming so'm, xarajatlari 256 804 410,0 ming so'm prognoz qilinganligi hamda viloyat budjetidan ajratiladigan tartibga soluvchi budjetlararo transfertlar 57 267 410,0 ming so'm miqdorida tasdiqlanganligi ma'lumot uchun qabul qilinsin.

3. 2024-yil uchun Kitob tumanini rivojlantirishning asosiy makroiqtisodiy ko'rsatkichlari prognozi hamda 2025-2026-yillarga maqsadli mo'ljallari 1-ilovaga muvofiq, 2024-yil uchun tuman mahalliy budjeti daromadlari prognozi 2-ilovaga muvofiq ma'lumot uchun qabul qilinsin.

4. 2024-yil uchun tuman mahalliy budjetidan budjet mablag'larini taqsimlovchilarga ajratiladigan mablag'larning cheklangan miqdorlari 3-ilovaga muvofiq tasdiqlansin.

5. 2024-yil uchun tuman budjetiga umumdavlat soliqlaridan ajratmalar normativlari 4-ilovaga muvofiq tasdiqlansin.

Bunda, ajratmalar normativlari bo'yicha viloyat mahalliy budjeti bilan tuman va shaharlar mahalliy budjetlarining taqsimotini o'rnatilgan tartibda Qashqadaryo viloyati bo'yicha G'aznachilik boshqarmasi tomonidan amalga oshirilishi belgilab qo'yilsin.

6. 2024-yil uchun tuman mahalliy budjetining daromadlari va xarajatlarining prognozi **5-ilovaga** muvofiq ma'lumot uchun qabul qilinsin.

7. 2024-yil uchun viloyat mahalliy budjetidan tuman mahalliy budjetiga ajratiladigan tartibga soluvchi budjetlararo transfert miqdori **6-ilovaga** muvofiq tasdiqlansin.

Bunda, tartibga soluvchi budjetlararo transfertlar miqdorini tuman va shahar mahalliy budjetlari daromadlari prognozi ijrosidan qat'iy nazar kamaytirishga yo'l qo'yilmasligi qonunda belgilab qo'yilganligi ma'lumot uchun qabul qilinsin.

8. 2024-yil uchun tuman mahalliy budjeti zaxira jamg'armasi hajmi 2 297 332,0 ming so'm miqdorida belgilansin.

Tuman mahalliy budjetining 2024-yil uchun zaxira jamg'armasi tasdiqlangan umumiy xarajatlarining kamida (jamoatchilik fikri asosida shakllantirilgan tadbirlarni moliyalashtirishga yo'naltiriladigan mablag'dan tashqari) 1,0 foizi miqdorida shakllantirilsin.

9. 2024-yil uchun tuman mahalliy budjeti shaxsiy g'azna hisobvarag'ida turishi lozim bo'lgan budjet mablag'larining yo'l qo'yiladigan eng kam miqdori 7-ilovaga muvofiq belgilansin.

10. O'zbekiston Respublikasining mazkur Qonuni bilan 2024-yilda Xalq deputatlari Kengashlarini mahalliy budjetlarni boshqarishda, xususan mahalliy budjet xarajatlarini budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2024 yilda quyidagi soliq turlari:

a) shahar va tumanlar budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

aylanmadan olinadigan soliq;

mol-mulkni ijaraga berishdan olinadigan yillik daromad to'g'risidagi deklaratsiyaga asosan jismoniy shaxslar tomonidan to'lanadigan, shuningdek yakka tartibdagi tadbirkorlar tomonidan to'lanadigan jismoniy shaxslardan olinadigan daromad solig'i;

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

yuridik shaxslardan olinadigan yer solig'i;

jarimalar;

noruda qurilish materiallari bo'yicha yer qa'ridan foydalanganlik uchun soliq.

b) viloyatning viloyat mahalliy budjetiga to'liq hajmda o'tkaziladi:

yuridik shaxslarning foyda solig'i;

elektr stansiyalari tomonidan to'lanadigan suv resurslaridan foydalanganlik uchun soliq;

davlat daromadiga o'tkazilgan mol-mulkni realizasiya qilishdan tushumlar;

davlat aktivlarini sotishdan tushumlar;

tamaki, alkohol mahsulotlari, shu jumladan pivo (import orqali kirgan mahsulotlardan tashqari), shuningdek mobil aloqa xizmatlari uchun aksiz solig'i bo'yicha tushumlar, tegishincha o'tgan moliya yilining 1-oktyabr holatiga ko'ra, O'zbekiston Respublikasi Prezidenti huzuridagi Statistika agentligidan olingan viloyat aholisi sonining respublika aholisi sonidagi ulushiga muvofiq bunda, daromadlar bo'yicha prognozning bajarilmagan qismi viloyat budjetiga respublika budjeti mablag'lari hisobidan qoplanadi.

v) viloyat budjeti hamda shahar va tumanlar budjetlari o'rtasida taqsimlanadi:

jismoniy shaxslardan olinadigan daromad solig'i.

yuridik shaxslarning mol-mulkiga solinadigan soliq;

yig'imlar;

benzinni, dizel yoqilg'isini va gazni yakuniy iste'molchilarga realizatsiya

qilishdagi aksiz soliq.

Xalq deputatlari viloyat Kengashi:

tegishli darajadagi mahalliy budjetlarga ajratiladigan soliqlarni va boshqa turdagi daromadlarni (shu jumladan ushbu moddaning a, b, va v qismlarida ko'rsatilgan daromadlarni) hamda budjetlararo transfertlarni taqsimlashga;

yuridik shaxslarning mol-mulkiga solinadigan soliq, benzinni, dizel yoqilg'isini va gazni yakuniy iste'molchilarga realizatsiya qilishdagi aksiz soliq hamda jismoniy shaxslardan olinadigan daromad solig'i tushumlarini tumanlar va shaharlar budjetlariga yo'naltirishga;

daromadlarning prognozini oshirib bajarishdan olingan mablag'larning bir qismini tumanlar va shaharlar budjetlariga hududni ijtimoiy-iqtisodiy rivojlantirish dasturlarini amalga oshirish uchun berishga;

Shuningdek, Xalq deputatlari tumanlar va shaharlar Kengashlari tumanlar hamda shaharlarning ommaviy dam olishga va (yoki) turizmga ixtisoslashtirilgan ayrim hududlarida mol-mulkni ijaraga beruvchi jismoniy shaxslar uchun belgilangan ijara to'lovining eng kam stavkalariga Toshkent shahri uchun belgilangan miqdorlargacha o'sib boruvchi koeffitsientlarni joriy etishga haqli ekanligi ma'lumot uchun qabul qilinsin.

11. Tuman hokimining birinchi o'rinbosari (T.Nasimov) tuman iqtisodiyot va moliya bo'limi boshlig'i (I.Raxmonov), tuman soliq inspeksiyasi boshlig'i (A.Omonov) tuman hokimligi va mas'ul bo'lim va tashkilotlar bilan birgalikda:

Tuman mahalliy budjetini birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjet prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

12. Tuman soliq inspeksiyasi boshlig'i (A.Omonov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq bazasini oshirish;

Kadastr agentligi tuman bo'limi boshlig'i (I.Sa'dullaev) bilan birgalikda tumanda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

13. Majburiy ijro byurosi tuman bo'limi boshlig'i (J.Karimov) tuman soliq inspeksiyasi boshlig'i (A.Omonov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

14. Tuman hokimining birinchi o'rinbosari (T.Nasimov), tegishli tashkilotlar rahbarlari hamda bo'sh turgan ob'ektlaridan samarali foydalanishni tashkil etish markazining Qashqadaryo viloyat hududiy boshqarmasi bilan birgalikda:

bo'sh turgan davlat mulki ob'ektlarini aniqlash bo'yicha xatlov ishlarini samarali tashkil etish;

xatlov natijalariga ko'ra tumanda mavjud bo'sh turgan davlat mulki ob'ektlari

ro'yxatini shakllantirish;

shakllantirilgan ro'yxatga asosan bo'sh turgan davlat mulki ob'ektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki ob'ektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki ob'ektlarini «e-ijro auksion» maydonchasi orqali sotish ishlarini tashkillashtirsin.

15. Tuman soliq inspeksiyasi boshlig'i (A.Omonov), tuman iqtisodiyot va moliya bo'limi boshlig'i (I.Raxmonov) Davlat aktivlarini boshqarish agentligi viloyat hududiy boshqarmasi bilan birgalikda davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar tomonidan 2024-yilning 1-iyuliga qadar 2023-yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2024-yilning 1-sentyabridan kechiktirmay budjetga o'tkazilishini ta'minlasin.

16. Tuman hokimligi Monopoliyaga qarshi ko'rashish qo'mitasi viloyat hududiy boshqarmasi boshlig'i (S.Sodiqov) bilan birgalikda tashqi reklama ob'ektlarini to'liq xatlovdan o'tkazgan holda, ushbu tashqi reklama ob'ektlari bo'yicha shartnomalar tuzish choralari ko'rsin hamda ushbu shartnomalar bo'yicha yig'implarni budjetga to'lanishi ustidan doimiy nazorat o'rnat sin.

17. Tuman irrigatsiya bo'limi boshlig'i (D.Berdiyev) va tuman soliq inspeksiyasi boshlig'i (A.Omonov) tuman hokimligi bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetga to'liq undirib olish choralari ko'rsin.

Bunda, qishloq xo'jaligi korxonalari tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

18. Tuman ichki ishlar bo'limi boshlig'i (I.Tog'ayev), tuman yo'l harakati xavfsizligi bo'limi boshlig'i (Sh.Isaxonov), majburiy ijro byurosi tuman bo'limi boshlig'i (J.Karimov), Davlat xizmatlari tuman markazi boshlig'i (Sh.Shukurov) hisoblangan boj, jarima va yig'implarni o'z vaqtida o'rnatilgan tartibda budjetga undirish choralari ko'rib borsin.

19. Davlat moliyaviy nazorati viloyat boshqarmasi maktabgacha va maktab ta'limi va sog'liqni saqlash bosh boshqarmalarining ichki audit xizmatlari bilan birgalikda:

budjet intizomiga qat'iy rioya etilishi ustidan doimiy monitoring ishlarini kuchaytirish;

o'tkazilgan nazorat tadbirlari yakuni bo'yicha kamomad va noqonuniy o'zlashtirishga yo'l qo'ygan soha rahbarlarining hisobotini har chorakda eshitib borishni ta'minlash so'ralsin.

20. Xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasiga:

mahalliy budjetning qo'shimcha manbalaridan foydalanish to'g'risidagi Kengash qarori loyihasini budjet qonunchiligiga to'liq rioya etgan holda ishlab chiqish;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

21. Tuman hokimligi va tegishli mas'ullarga:

tuman mahalliy budjeti jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirishni;

bunda, xalq deputatlari tuman Kengashi, yoshlar ishlar agentligi, tuman hokimligi huzuridagi jamoatchilik Kengashi hamda hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishni tavsiya etish;

mahalliy budjetning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'ektlar ro'yxati, shuningdek qurilish-ta'mirlash ishlarining moliyalashtirilishi

to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda hokimlik rasmiy veb-saytiga joylashtirib borish topshirilsin.

22. Tuman hokimining birinchi o'rinbosari (T.Nasimov) tuman hokimligi va tegishli tashkilotlar bilan birgalikda:

mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha xalq deputatlari tuman Kengashiga har chorakda kamida bir marotaba hisobot kiritib borsin.

23. Mazkur qaror tuman hokimligining rasmiy veb-saytiga joylashtirilsin.

24. Xalq deputatlari Kitob tuman Kengashining 2022-yil 30-dekabrdagi "Kitob tumanining 2023-yilgi mahalliy budjetini tasdiqlash to'g'risida"gi VI-78-166-4-62-K/22-sonli qarori 2024-yil 1-yanvardan e'tiboran o'z kuchini yo'qotgan deb hisoblansin.

25. Ushbu qaror rasmiy e'lon qilingan kundan boshlab kuchga kiradi.

26. Mazkur qarorning bajarilishini nazorat qilish xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi raisi (A.Boboyev) hamda tuman hokimining birinchi o'rinbosari T.Nasimov zimmasiga yuklatilsin.

Sessiya raisi



Pardayev U.B

Xalq deputatlari Kitob tuman Kengashining
2023-yil 29-dekabrda
VI-86-122-4-62-K/23-son qaroriga
1-ilova

**Қашқадарьо viloyati Kitob tumanining 2024 yilga rivojlantirishning makroiqtisodiy ko'rsatkichlari prognoz
ko'rsatkichlari hamda 2025-2026 yilga mo'ljallari**

№	Ko'rsatkichlar	2024 yil uchun prognoz	Mo'ljal	
			2025 yil	2026 yil
1	Yalpi hududiy mahsulot, mlrd.so'm	X	X	X
2	Yalpi hududiy mahsulotning o'sish sur'ati, foizda	X	X	X
3	Sanoat mahsulotlarining o'sish sur'ati, foizda	107,1	107,8	108,5
4	Qishloq, o'rmon va baliq xo'jaliklarida ishlab chiqarishning o'sish sur'ati, foizda	104,6	104,8	105,2
5	Xizmatlarning o'sish sur'ati, foizda	108,7	109,5	110,3

Xalq deputatlari Kitob tuman
Kengashining
2023-yil 29-dekabrdagi
VI-86-122-4-62-K/23-son qaroriga
2-ilova

2024 yil uchun Kitob tuman mahalliy budjeti daromadlari prognozi

Daromad turlari		ming soʻmda
1	Foyda soligʻi	0
2	Aylanmadan olinadigan soliq	11 146 000
3	Jismoniy shaxslardan olinadigan daromad soligʻi	70 487 000
4	Tadbirkorlik faoliyatining ayrim turlari bo'yicha qat'iy belgilangan soliq	2 072 000
5	Aksiz soligʻi-oxirgi iste'molchiga benzin, dizel yoqilg'isi va gaz realizatsiysi	6 310 000
6	Yuridik shaxslarning mol-mulkiga solinadigan soliq	17 236 000
7	Jismoniy shaxslarning mol-mulkiga solinadigan soliq	11 304 000
8	Yuridik shaxslar er soligʻi	13 568 000
9	Jismoniy shaxslardan olinadigan er soligʻi	24 735 000
10	Er qabulidan foydalanganlik uchun soliq (noruda materiallari)	16 923 000
11	Suv resurslaridan foydalanganlik uchun soliq	3 061 000
12	Davlat boji	8 864 000
13	Jarimalar	6 081 000
14	Ijara to'lovi	180 000
15	Davlat unitar korxonalarining sof foydasidan Davlat budgetiga ajratmalar	229 000
16	Yig'imlar	6 527 000
17	Xususiylashtirish	814 000
JAMI		199 537 000
	Mobil aloqa xizmati va alkogol mahsulotlari, shu jumladan pivo uchun aksiz soligʻi tushumlaridan tegishli ravishda oʻtkazib beriladigan daromad	0
18	Alkogol mahsulotlari, shu jumladan pivo	
19	Mobil aloqa xizmati	
20	Tamaki va alkogol mahsulotlari	
DAROMADLAR JAMI		199 537 000
21	Tartibga soluvchi budjetlararo transfertlar	57 267 410
HAMMASI		256 804 410

Xalq deputatlari Kitob tuman
Kengashining
2023-yil 29-dekabrda
VI-86-122-4-62-K/23-son qaroriga
3-ilova

**2024-yil uchun Kitob tuman mahalliy budjetidan budjet mablag'larini taqsimlovchilarga
ajratiladigan mablag'larning cheklangan miqdori**

ming so'mda

№	Ko'rsatkichlar	miqdori
Xarajatlar miqdori, Jami		256 804 410
1.	Ijtimoiy soha va aholini ijtimoiy qo'llab-quvvatlashga xarajatlar - jami	172 664 899
	<i>shu jumladan:</i>	<i>0</i>
1.1	Maorif	25 843 000
	- maktabgacha va maktab ta'lim bo'limini saqlash xarajatlari	25 843 000
	- kadrlar tayyorlash	0
1.2	Sog'liqni saqlash bo'limini saqlash xarajatlari	140 165 000
1.3	Tibbiy-ijtimoiy xizmatlar uchun xarajatlar	0
1.4	Madaniyat bo'limini saqlash xarajatlari	1 600 024
1.5	Sport bo'limini saqlash xarajatlari	4 903 000
1.6	Fan	0
1.7	Ozodlikdan mahrum etish jazosini o'tab bo'lgan fuqarolarga "dastlabki ijtimoiy-moddiy yordam paketi" xarajatlari	28 875
1.8	Ijtimoiy ko'nikma markazlari xarajatlari	125 000
2.	Iqtisodiyotga xarajatlar	30 156 279
	<i>shu jumladan:</i>	<i>0</i>
2.1	Ichki xo'jalik avtomobil yo'llarni ta'mirlash xarajatlari	4 000 000
2.2	O'simliklar karantini inspeksiyalari xarajatlari	0
2.3	Obodonlashtirish boshqarmasini saqlash xarajatlari	19 165 279
2.4	Irrigasiya bo'limini saqlash xarajatlari	2 141 000
2.5	Fermerlar buxgaltenriyasini saqlash xarajatlari	410 000
2.6	Veterinariya qo'mitasi bo'limlarini saqlash xarajatlari	1 735 000
2.7	Mahalliy budjetlarda hokim yordamchilarining tavsiyalari asosida mahalla infratuzilmasini yaxshilash xarajatlari	2 705 000
3.	Markazlashtirilgan investitsiyalarni moliyalashtirishga xarajatlar	0
4.	Davlat boshqaruv organlarini saqlash xarajatlari	26 912 000
5.	Fuqarolarning o'zini o'zi boshqarish organlarini saqlash	0
6.	Zahira jamg'armasi xarajatlari	2 297 332
7.	Fuqarolar tashabbusi jamg'armasi xarajatlari	24 773 900
8.	Boshqa xarajatlar	

Xalq deputatlari Kitob tuman Kengashining
2023-yil 29-dekabrda
VI-86-122-4-62-K/23-son qaroriga
4-ilova

2024-yil uchun viloyatning Kitob tumani budjeti o'rtasida ajratmalar normativlari belgilanadigan umumdavlat soliqlari va boshqa majburiy to'lovlar

(Foiz hisobida)(4-ilova davomi)

№	Hududlar nomi	Yuridik shaxslardan olinadigan foyda solig'i		Aylanmadan soliq		Jismoniy shaxslardan olinadigan daromad solig'i		Tadbirkorlik faoliyatining ayrim turlari bo'yicha qat'iy belgilangan soliq		- oxirigi iste'molchiga benzin, dizel yoqilg'isi va gaz realizatsiyasi		Yuridik shaxslarning mol-mulkiga solinadigan soliq	
		Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga
1	Kitob tumani	0%	0%	100%		100%		100%		100%		100%	
		Jismoniy shaxslarning mol-mulkiga solinadigan soliq		Yuridik shaxslarning yer solig'i		Jismoniy shaxslarning yer solig'i		Qurilish materiallari bo'yicha yer qat'idan foydalanganlik uchun soliq		Suv resurslaridan foydalanganlik uchun soliq		Davlat boji	
		Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga
		100%		100%		100%		100%		100%		100%	
		Jarimalar		Mahalliy yig'imlar		Xususiylash-tirish		Davlat mulki bo'yicha ijara to'lovlari		Davlat unitar korxonalari dividend tushumlari			
		Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga	Shahar va tumanlar budjetiga	Viloyat budjetiga
		100%		100%		50%		100%		100%			

Xalq deputatlari Kitob tuman
Kengashining
2023-yil 29-dekabrdagi
VI-86-122-4-62-K/23-son qaroriga
5-ilova

2024-yil uchun Kitob tumani budjetining daromadlari va xarajatlari prognozlari

		ming soʻmda	
T/p	Худудлар номи	Daromad	Xarajat
	Jami	199 537 000,0	256 804 410,0
1	Kitob tumani	199 537 000,0	256 804 410,0

Xalq deputatlari Kitob tuman
Kengashining
2023-yil 29-dekabrdagi
VI-86-122-4-62-K/23-son qaroriga
6-ilova

**Kitob tuman mahalliy budjetining 2024-yilgi yuqori budjetdan ajratiladigan
tartibga soluvchi budjetlararo transfertlar miqdorlari**

ming soʻmda

T/р	Худудлар номи	Сумма
1	Kitob tumani	57 267 410,0

Xalq deputatlari Kitob tuman
Kengashining
2023-yil 29-dekabrdagi
VI-86-122-4-62-K/23-son qaroriga
7-ilova

**2024-yil uchun Kitob tumani budjeti shaxsiy g'azna hisobvaraqlarida turishi lozim
bo'lgan byudjet mablag'larining yo'l qo'yiladigan eng kam miqdori**

ming so'mda		
T/r	Hudud nomi	Miqdor
	Jami	1 508 184,0
1	Kitob tumani	1 508 184,0

Xalq deputatlari Kitob tuman
Kengashining
2023-yil 29-dekabrda
VI-86-122-4-62-K/23-son qaroriga
8-ilova

**NORMATIV-HUQUQIY HUJJAT LOYIHASINING
LINGVISTIK EKSPERTIZA
XULOSASI**

6-son

1. Normativ-huquqiy hujjat loyihasining turi: qaror

2. Normativ-huquqiy hujjat loyihasining nomi: Qashqadaryo viloyati Kitob tumanining 2024-yilgi mahalliy budgetini tasdiqlash to'g'risida

3. Lingvistik ekspertizani o'tkazuvchi: Kitob tumani hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash masalalari bo'yicha maslahatchisi L. O'roqova

4. Lingvistik ekspertiza o'tkazilgan sana: 2023-yil 23-dekabr


5. Normativ-huquqiy hujjat loyihasi matnida aniqlangan xato va kamchiliklarni bartaraf etish, tegishli tuzatishlar kiritish, matnni qisqartirish, qayta ishlash bo'yicha aniq tavsiyalar ko'rsatiladi.

Qaror loyihasi ko'rib chiqildi. Matnda uslubiy, imloviy, tinish belgilariga oid xatolar borligi aniqlandi. Qaror loyihasidagi imlo va uslubiy xatolar tuzatilib, ayrim gaplar ixchamlashtirildi.

BERILGAN TAVSIYALAR

T/r	Loyiha matnida	Tavsiyada
1	O'zbekiston Respublikasi "Mahalliy davlat hokimiyati to'g'risida"gi Qonunining 6-, 24-moddalari, Budget kodeksining 99-moddasi, 2024-yil "2024-yil uchun O'zbekiston Respublikasining Davlat budjeti to'g'risida"gi 2024-yil O'RQ -son Qonuniga muvofiq hamda O'zbekiston Respublikasi Iqtisodiyot va moliya vazirligining 2023-yil -dagi -sonli xatini inobatga olib	O'zbekiston Respublikasi Iqtisodiyot va moliya vazirligining 2023-yil -dagi -sonli xatini inobatga olib. O'zbekiston Respublikasining Budget Kodeksi 99-moddasi, "2024-yil uchun O'zbekiston Respublikasining Davlat budjeti to'g'risida"gi Qonuni hamda "Mahalliy davlat hokimiyati to'g'risida"gi Qonuni 6-, 24-moddalariga asosan
2	2.O'zbekiston Respublikasining "2024-yil uchun O'zbekiston Respublikasining Davlat budjeti to'g'risida"gi Qonuniga muvofiq, Qashqadaryo viloyati Kitob tumani mahalliy budgetining 2024-yil uchun daromadlari...	2.Ushbu Qonunga muvofiq Qashqadaryo viloyati Kitob tumani mahalliy budgetining 2024-yil uchun daromadlari
3	3.2024-yil uchun tuman mahalliy budjeti daromadlari prognozi 1-ilovaga muvofiq ma'lumot uchun qabul qilinsin.	3.2024-yil uchun tuman mahalliy budjeti daromadlarining 1-ilovadagi prognoz ko'rsatkichlari ma'lumot uchun qabul qilinsin.
4	7.2024-yil uchun tuman mahalliy budgetining daromadlari va xarajatlarining prognozi 5-ilovaga muvofiq ma'lumot uchun qabul qilinsin.	7.2024-yil uchun tuman mahalliy budgetining 5-ilovadagi daromadlari va xarajatlarining prognoz ko'rsatkichlari ma'lumot uchun qabul qilinsin.
5	21.Mazkur qaror rasmiy gazetalar hamda veb-saytlarga joylashtirilsin.	21.Mazkur qaror tuman hokimligi rasmiy veb-saytida joylashtirilsin.

Maslahatchi



L. O'roqova

Xalq deputatlari Kitob tuman
Kengashining
2023-yil 29-dekabrdagi
VI-86-122-4-62-K/23-son qaroriga
9-ilova


XUQUQIY XULOSA

Xalq deputatlari Kitob tumani Kengashining "2024-yilgi mahalliy budjetini tasdiqlash to'g'risida"gi qaror loyixasi O'zbekiston Respublikasi Budjet kodeksining 99-moddasi talablari doirasida ishlab chiqilgan.

Xalq deputatlari Kitob tumani Kengashining "2024-yilgi mahalliy budjetini tasdiqlash to'g'risida"gi qaror loyixasi O'zbekiston Respublikasi Konstitutsiyasiga, qonunchilikka va qonunchilik texnikasi qoidalariga to'liq javob beradi.

Xalq deputatlari Kitob tumani Kengashining "2024-yilgi mahalliy budjetini tasdiqlash to'g'risida"gi qaror loyixasi 2023-yil 15-dekabr kuni interaktiv portalga muxokoma uchun (ID № 1588423) muxokomaga kiritildi va muxokomada 6 (olti) ta taklif muloxazalari o'rganildi va tegishli tartibda takliflar ko'rib chiqilib, ularga javob xatlari berildi. Qaror muddati yakunlanganligi sababli tuman Adliya bo'limiga xuquqiy ekspertizadan o'tkazish uchun yuborilmoqda.

Kitob tuman hokimligi Bosh yuriskonsulti,
2-chi darajali Adliya maslahatchisi



Sh. Eshniyazov